



K zahajenju projekta „Et labora“ sadžichu zapóstancaj zwjazkowneho sejma Reiner Deutschmann (FDP) a Marja Michalkowa, zapóstanca Sakskeho krajneho sejma Aloys Miklawšk (wotlěwa, wobaj CDU) a dalši hosćo štomiki jako symbol dobrego poradženja předewzaća. Foće: M. Wjerika, SN/M. Bulank

Nowy pólsko-němski projekt za zbrašenych zahajeny

Třo partnerojo hromadže

Pančicy-Kukow (SN/MWj). Po dwěmaj lětomaj přihotowanskeho časa zahajichu džensa w Pančicach-Kukowje projekt „Et labora - rehabilitacija zbrašenych ludži w euroregionje Nysa“. Pólski wokrjes Złotyryja, Pančičanska džěłarnja za zbrašenych swj. Michała a Saksli krajny kuratorij za wjesny rum chcedža z nim zbrašenym na woběmaj bokomaj mjezy lěpše móžnosće džěła dać a jich wuměnu spěchowac. Na swjatočnej Božej mši dopominaše farar dr. Hans Joachim Kupka na wosebity zamołwitoe němskeje strony za měrliwe zhromadne žiwjenje wobějuludow. Nowy projekt móhl za to mozaikowje kamušk być.

Abatisa klóštra Marijineje hwězdy Philippa Kraft, krajny rada pólskeho wokrjesa Józef Sudol, zapóstancaj zwjazkowneho sejma Reiner Deutschmann (FDP) a Marja Michalkowa kaž tež zapó-

slanc Sakskeho krajneho sejma Aloys Miklawšk (wobaj CDU) a dalši hosćo sadžichu na to při tepjem i klóštra někotre štomiki jako symbol dobrego wuspěcha projekta. Džakowano podpěrje Europejskeje unije a swojskich srědkow je hač do junija 2014 dohromady 2,9 milionow eurow k dispoziciji. Z nimi přetwarja džěłarnju za zbrašenych Świerzawa w delnjosleskim wojewódstwje runje tak kaž džěłarnju w Pančicach. Tu nastanje 16 nowych džěłowych městnow za zbrašenych, kotřiž maja potom zhromadnje z pólskim partnerom nowy produkt zhotowjeć. Nimo toho wopřijima projekt zhromadne zarjadowanja zbrašenych kaž sportowe a zabawne zetkanja, wulěty a swjědženje. Dale chcedža džěłarnički, rěčne kursy, projektowe dny a fachowe zeńdženja přewjesć. 85 aktiwitow je za to tuchwilu planowanych.